

宋學士文集

十

蘇軾詩集

PDG

宋學士文集序

翰林學士金華宋公景濂自少以文雄一時人不遠數千里求之殆徧於中國四夷矣其居家所作者曰潛溪集其在朝所作者曰翰苑集潛溪集凡若干卷故翰林承旨歐陽文公爲之序而翰苑集復萃記序碑銘表傳雜說釐爲前後續別四集云余嘗讀而好之浩乎莫窮其所至乃撫卷而歎曰文章經國之要也豈直一藝而已哉而與時升降其變不一在唐則宗昌黎韓子在宋則宗廬陵歐陽子韓子之文祖於孟子而歐陽子之文又祖於韓子皆所謂傑出於千百者在元則宗蜀虞文靖公金華黃文獻公亦若韓子之在唐歐陽子之在宋矣然文靖公之放言極論縱橫無窮其氣馘莫敢迫而獻文公之不失準繩卑不可隆而高不可抑也公起而繼之自五經子史靡不通究其造理也精其攷事也博故發之於文章悉鏤述習之陋學者復翕然宗之國朝龍

興遂以布衣登侍從之選歷十餘年凡奉

詔撰述莫不

曲盡其體勒之金石播諸筦絃寔與虞黃二公相後先已雖
然虞黃二公屬重熙累洽所以黼黻一代之盛者爲易今
國家文運方興之時將昭武功而宣文德以新四方之觀聽
使知

大明之超軼三五豈不爲難乎大抵先秦兩漢以來聖人之
經汨於諸子道固晦而未明也故各騁異同之說以誇耀一
世恒病其駁而不純及宋周程朱子大發其閤是非邪正奚
翅黑白之形而後之立言者由是求合於道亦既無弊矣又
惜蓄之無源而徒剽竊陳腐皮離蔓衍之爲工孰知其去古
益遠而益抗不亦悲夫嗚呼公之文可謂至純矣正聲勁氣
充塞宇宙星辰河漢山川草木風雨雷電鬼神變化龍跳虎
躍雖極瑰詭奇絕之觀惡足以喻耶昔公之摠脩元史也余
獲預編纂之列熟其議論觀其儀矩非一日矣故知公爲深

而推公爲重輒爲之說如此尚俟知言者於後而非諛其所
好云洪武八年歲在乙卯冬十有一月旣望將佐仕郎國子
助教李貝瓊序

Vertical columns of text, likely a list or index, with faint characters visible in the background.

宋學士文集目錄

芝園前集目錄

卷第一

致政謝恩表

致政謝恩箋

進賢朱府君碣

先大夫碑陰記

葉夫人墓碣銘

跋張孟兼文橐序後

重題王兎泉卷後

題苦寒詩後

報恩說

雲寓軒詩序

史處士墓版文

曾助教文集序

復古堂記

故鄭貞婦賴氏墓志銘

劉母賢行詩集序

刪烏城志

卷第二

方氏族譜序

鄭母蔣夫人墓志銘

雙桂軒記

郭考功文集序

恒齋銘

三益軒記

大般若經通關法序

般若松贊

三老圖頌

義烏樓氏家乘序

諸暨孝義黃氏族譜序

卷第三

故紹興路儒學正柳府君墓志銘

南澗子包公碣

義烏王府君墓志銘

故樓景元甫墓碣

題默成居士矯齋記後

題李白時飛騎習射圖

題趙府君墓銘後

白鹿生小傳

俞巨川墓記

麗水陳孝女傳碑

四明阿育王山廣利禪寺碑

育王禪師裕公三會語錄序

寶蓋山寶察禪居記

藤杖銘

楷木杖銘

栢杖銘

龍游重建證果寺記

光師內翰柳公真讚

卷第四

鳳陽府新鑄大鍾頌

題宋高宗賜答羅尚書手詔

玄英處士方公遺像贊

觀心亭記

育王裕公生塔之碑

亡友陳宅之墓銘

故筠西吳府君之墓碑

故諸暨陳府君墓碣

金華清隱禪林記

故王母何夫人墓記

春日賞海棠花詩序

徽州羅府君墓志銘

卷第五

新刻楞伽經序

約之禪師畫像贊

故新昌楊府君墓銘

望雲圖詩序

義烏方府君墓志銘

朱氏家慶圖記

金華永寧禪庵記

題定武蘭亭帖後

題悅生堂稷帖

跋柳先生上京紀行詩後

跋王獻之保母帖

題錢舜舉應真圖

跋段氏墓銘後

孫伯融詩集序

跋高宗所書神女賦

題伊尹古像卷後

題子昂書高上大洞玉經後

題鮮于伯機所書蘭亭記後

題荆源清茂軒記後

跋米南宮夷曠帖

跋樂貞婦傳後

達摩大師贊

活水軒銘

題馬氏譜圖後

元故徵士周君墓志銘

故蔣府君墓銘

全有堂歲

卷第六

瞿員外墓志銘

鄭都事墓志銘

胡府君神道碑

毛公神道碑

林貞婦墓志銘

童真觀音像贊

深溪王氏義門碑銘

王氏義祠記

題栖雲軒記後

卷第七

鄭節婦傳

金華安化院記

金剛般若經新解序

淨慈住持仁公塔銘

國史所銘

卷第八

李徵君像贊

復古軒記

貞白堂記

朱同知墓志銘

題文天祥手帖

虎林處士贊

方愚庵墓版文

毗盧寶藏閣碑

佛心普濟禪師緣公塔銘

故胡母樓氏墓銘

詹士龍小傳

東軒集序

李太白像贊

題蛺蝶圖後

題大慧禪師遺墨後

李經歷墓志銘

張尚書書具慶堂卷

重興萬壽寺銘

中山慶士林君墓碣銘

聲外鐃師子說

瀟峯先生墓志銘

永思堂記

卷第九

徐方舟墓銘

段母石表辭

題危太朴隸書歌後

跋徐氏譜圖後

葉氏先祠記

桂氏家乘序

故朱府君文昌墓銘

磨勘司令鄭公墓志銘

尹府君墓志銘

陳府君銘

脩慎齋記

倪府君墓碣銘

卷第十

北麓處士墓碣

貞婦郭丑小傳

宋學士文集卷第四十

芝園集卷第一

致政謝恩表

翰林學士承旨嘉議大夫知制誥兼脩國史兼太

子贊善大夫臣宋濂誠歡誠忭稽首頓首上言臣聞生世而

逢真主仕宦而歸故鄉此人臣至榮而至願者也臣本

一介書生粗讀經史在前朝時雖屢入科場曾不能沾分寸

之祿甘終老於山林今幸遭逢聖主定鼎建業特勅

省臣遣使者致幣起臣於金華山中俾典儒臺繼陞右史侍

經東宮供奉翰苑去歲欽蒙特除承旨為文章之首臣

而次子璉擢中書舍人長孫慎殿廷序班一門三世俱被

恩榮近者又荷追封祖父親御翰墨寵以雄文粲然奎

壁之光照耀霄漢且憐臣年老令致政還鄉又有冠服文綺

寶楮之賜鴻澤滂沛不一而足其高如天其厚如地其照臨

如日月非筆墨之可盡述臣誠歡誠忭稽首頓首欽惟

芝園集卷第一

皇帝陛下以布衣混一四海如漢高祖以仁義化被萬方過
唐太宗宵衣旰食孜孜圖治欲使天下蒼生無一夫不被其
澤雖以臣之愚陋無尺寸之功亦蒙寵遇如此之至銘心鏤
骨誓不敢忘自度無以效犬馬之誠唯朝夕焚香上祝千萬
歲壽及以忠勤教子孫俾世世毋忘 陛下深仁厚德而
已臣無任瞻 天仰 聖激切屏營之至謹奉表稱謝以聞
臣瀛誠歡誠忭稽首頓首謹言

洪武十年二月十二日翰林學士承 旨嘉議大夫
知 制誥兼脩 國史兼 太子贊善大夫臣宋瀛
謹上表

致政謝 恩箋

翰林學士承 旨嘉議大夫知 制誥兼脩 國史兼 太
子贊善大夫臣宋瀛誠忭誠忭頓首頓首上言近者欽蒙
聖恩追贈二代許臣致仕還鄉臣自正月初六日 陛辭

十日發舟二十七日至家二月初三日詣墓所祭告昭宣

制命龍光烜赫下燭泉壤鄉里親朋一時畢會相與嘆慕以

謂天朝待士如此之至莫不感激思奮此皆皇上之

大德殿下之深恩碩臣區區何以圖報於萬一臣聞古

聖人有言曰爲君難其所謂難者何也然以四海之廣生民

之衆受寄於一人敬則治怠則否勤則治荒則否親君子則

治近小人則否其機甚微其發至於不可遏不可不謹也所

以二帝三王相傳心法曰德曰仁曰敬曰誠無非用功於此

也治忽之間由心之存不存何如耳臣誠忤誠忤頓首頓首

恭惟皇太子殿下仁孝溫恭出言制行動合至道中外

無不仰望而臣猶以二帝三王相傳心法爲言者誠以爲君

之難也臣雖退居田里而忠愛之心彌切旦夜不忘於是敢貢

蕝莠之言伏望殿下察臣所言而篤行之則天下幸甚

臣無任瞻仰激切屏營之至謹奉箋稱謝以聞臣誠忤誠忤

乞賜

頓首頓首謹言

洪武十年二月十二日具官臣宋濂謹上箋

進賢朱府君碣

先王之法不行於後世道隱民散仁鄙壽夭貧賤強弱爲更者多弗暇問於斯時也百里之邑苟有忠信之士聳善扶誼以裨助於政教不亦空谷跂音之可喜乎如府君者誠可銘已府君諱志同字與可姓朱氏進賢朱方里人曾祖仁無嗣其妹適宋某年進士豐城袁某生梓梓遂來爲仁後府君之祖也父粹中字幼純潛貢進士有材畧德祐世變能聚兵立堡以衛一鄉寇鋒不敢近府君天資亮直尤好赴人之難糾繇或不平視其力單者欣助之間右作威福鉗切細民不敢少吐氣府君奮然爲直於上官人人敬畏不敢作非義事縣大夫聞之嘆曰是劉介不羣者也是有補政教者也遇以賓禮民間利病必一一詢之府君爲之傾盡邑以治最聞天

已巳大儉民有菜色部使者行縣延府君于庭叩以勸分之策府君曰進賢雖小邑其藏粟者何翅百家計其飽妻孥外有餘則輸于官分給餓夫使者一磬咳間所活數十萬不難也然示之以至仁布之以大公衆將樂於從化額力行之行之當自志同始使者曰君言是也命即為之三百里間無填溝壑者府君義聞彰著監察御史有嘉其能者首以茂才薦府君自度不能隨俗浮湛力辭不就築室白湖嶺之陰鑿池種樹若將終身揭文安公為扁堂曰真村文白先生范公亦為賦詩江右學者多傳誦府君篤於訓子闢館舍聘名師使其子渙就學族姍子弟貧而無資者悉聽已而渙學大進如水湧山出復使曩糧遠遊以充其學識束脯裝錢之費雖孿產給之無倦色不幸渙早世府君嗚嗚而泣復召諸孫夢炎訓之如訓渙夢炎晝夜奮勵雖寐不敢忘學既成登至正辛卯進士第奉觴為壽府君喜曰爾不負吾所屬矣元季兵起

夢炎奉府君辟地南昌之蜀溪未幾以疾終癸巳春正月某日也壽六十六秋八月某日始自蜀溪奉柩還塋白湖嶺之白楊阮初府君愛白楊風氣回旋有卜藏兆之意及是見夢於人曰吾將寧魄此地矣衆咸異之府君性耿介人有過必詰責之雖面頸發赤不少怨家政嚴肅闔門十指罔敢有違教條其於勢利分華之欲則澹然無動於中鼓琴吹簫酣咏水光山色間有不知老之將至也娶臧溪吳氏子男二長即渙卒時年三十五能古文辭虞文靖公甚器重之遺橐若千卷其門人袁鑣鏤梓以傳次紹信後府君四月亦卒女二舒某胡某其壻也孫男六曰和曰夢炎通歷代文獻之學如指諸掌禮樂家賴之曰良曰厚曰碩曰惠曾孫九則以進以任以武以應云云也府君塋後二十五年瀟待罪國史夢炎官于儀曹實與之同朝夢炎自狀府君行持來告曰李翱有云先祖有美而不知不明也知而不傳不仁也夢炎竊為此懼